



ᑭᑕᑎᑭᑭᑭ ᑭᑭᑭᑭ ᑭᑭᑭᑭᑭᑭᑭᑭᑭᑭᑭᑭᑭ
Building Nunavut Together
Nunavut iuqatigiingniq
Bâtir le *Nunavut* ensemble

**Ataniq Aaniaqvikmi Havakti
Aaniaqtuliriyini
2018-2019 *Tipaakuq Munarinia
Higarnaittuqlu Inaitni Piquyat*
Ukiumun Tuhaqhitaut**

NALUNAIYANIRNUT

Tamna *Tipaakuq Munarinia Higarnaittuqlu Inaitni Piquyat* Ukiumun Tuhahitaut piyaqaqtita taphuma Ataniq Aaniaqviki Havakti Aaniaqtailiniqmun (CMOH) pitquyauhimayutut taapkuninga Nunavutmi *Tipaakuq Munarinia Higarnaittuqlu Inaitni Piquyat* (TCSFPA). Una tuhaqhitaut nainaqtai tapkuat Timinga Aaniaqtailiniup (Aaniaqtailiniq unaluuniit Munaqhiliqiyitkut) pinahuaqni malikhaqniut tapkuat, aturiaqaqtitni, ilihautinilu Nunavummiut tapkununga Tipaakuq Munarinia Higarnaittuqlu Inaitni Piquyat (TCSFPA). Ilaliutiplugu, tamna tuhaqhitaut akhuqyumiyai ihuaqhigiarutit piyauni tapkununga Piquyat piplugit tapkuat nutat *Aangajaarnaqtuq Nauhimayuq Piquyat*, tamna atulirtuq talvani Aktuupa 2018. Una tuhaqhit taphumunga pivigiya talvanga Aipuru 1-mi, 2018, tikitlugu Matyi 31-mun, 2019.

Atuqpiaqni tipaakut Nunavutmi ihumaaluknaqpiartut Aaniaqtailiniqmun. 2018-mi, inungnut ukiulgit 12 avataanilu, tamna atuqpakniqhaq higaqtut amigaitni humiliqak nunaqyuaqtani tamnauyuq 16%.¹ Taimattauq tuhagakhat Nunavutmin unniqtai higaqtut amigaitigini tapkuat 62%², ilailu nunaliuyut Nunavutmi tuhaqhitaiyut higaqtut pipkagauni puqtutigiyut talvunga 84%.³ Hulivalliq, 51% tapkuat Nunavut inulrammiit ukiulgit 12-19 higaqtut, tapkuat avataanittut siksiniq amihuiqtuqni tapkuat Kanatamiut amigaitni tamna 7.7%.⁴

Puqtuyut aktilat tipaakuq atuqtauni piyauhimayut taimattauq puqtuyut aktilat akhut aaniaqnit aaniarutitlu Nunavummiut. Nunavut pihimayuq puqtuniqpanik puvaknut aaniarut aktilangi hilaqyuaqmi, tamnalulu tuquyut aktilangi uumunga aaniarutmun pingahuiqhugit amigainarnit Nunavutmi tahamanagunganit ilangani Kanata.⁵ Higarniq ilagiarutauyuq hivuranaqnik pivaliatitni puvaklukniq (TB) aaniarut tikitlugu 3.5 amihuirtaqnit, ilagiarutauyut hivuranaqnit pivaliani aaniarutinit aaniarutauqpiarniqmun, ilagiarutauyutlu hivuranaqnit tuquniqmun tahapkununga puvaklukniq (TB) aaniaqtut.⁶

Piplugit tahapkuat puqtuyut tipaakut atuqnit aktilat qanuritnitlu aktuanit aaniaqtailiniqmun ihuuhirikniqmutlu, mikhigiaqni tipaakuq atuqni mikhigiaqnilu ihuilrui qanuritnit huniumaittut

¹ Tapkuat 2018 Kanatamiuni Nunaliuyut Aaniaqtailiniq Naunaiyaut ilaqangittut tapkuat nunatagayut taiyarangata nunaqyuaqmi atuqpakniqhat. Piplugu, tuhagakhat Nunavutmun piyalgit tapkununga 2014 titiqat naunaiyautinut; Kititiyit Kanata, Juni 25, 2019, "Aaniaqtailiniqmun Piqiyat Titiqat – Higarniq, 2018."

² Tuhaumalugu tamna 2016 Inaa Nakunia Atuqpiarianga Naunaiyaut naunaiqtut tipaakut-atuqniut aktilat Nunavutmi uqaqtai tapkuat higarniq aktilat puqtutigilat taphumunga 74% tahapkununga Nunavummiut 16 avataanilu.

³ Nunavut Kavamanga, 2014 "Kanatamiuni Nunaliuyut Halumailrunut Tuhahitaut: Arviat tamnalulu Ikaluktutiak," uqauhiuniani talvani Ataniq Aaniaqviki Havakti Aaniaqtailiniqmun, "2015-2016 *Tipaakuq Munarinia Piquyat* Ukiumun Tuhahitaut," makpiraq 2.

⁴ Kaniitian Nunallaaqnit Aaniaqtailiniqmut Qauyihautit, 2014.

⁵ Ataniq Aaniaqviki Havakti Aaniaqtailiniqmun. "2011-2012 *Tipaakuq Munarinia Piquyat* Ukiumun Tuhahitaut."

⁶ Ataniq Aaniaqviki Havakti Aaniaqtailiniqmun. "2011-2012 *Tipaakuq Munarinia Piquyat* Ukiumun Tuhahitaut."

timinganut hivuliutyaqnit, tapkuatlu Tipaakuq Munarinia Higarnaittuqlu Inaitni Piquyat (TCSFPA) tamna atuqpiartuq ilagiya tapkuat Aaniaqtailiniup atugakhaliat hugiaqninut una.

UNNIQTUTIT TAPKUNUNGA TIPAAKUQ MUNARINIA HIGARNAITUQLU INAITNI PIQUYAT

Aaniaqtailiniq havaqaqpaqtuq tapkuat aulatauninut tapkuat Tipaakuq Munarinia Higarnaittuqlu Inaitni Piquyat (TCSFPA) maligaitlu taimanga atuliqninut talvani 2004 tamnalu 2007, tukliriknit. Tamna Tipaakuq Munarinia Higarnaittuqlu Inaitni Piquyat (TCSFPA) piqaqtut malrukni aturniqhakkni ihumagini:

- Aturahuaqtitni hapumminilu tapkuat aaniaqtailini inuuhiriknilu Nunavummiut atuqpiqaqtittugit tahapkuat inungnut inigiyauyut havakvitlu higaqnaitni; tamnalu
- Mikhigiaqni pilaqni tipaakut turangayutlu hanahimanit, piniqhamik nutaqanut inulrammiitlu, atuqhugit pittailitit hatqiumayuni, aturahuaqunini, niuvrutaunilu tahapkuat hanahimayut.

2018-19 TIPAAKUQ MUNARINIA HIGARNAITUQLU INAITNI PIQUYAT (TCSFPA)-TURANGAYUT PIVALIATITNIT

IHUAQHIGIARUTIT TAPKUNUNGA TIPAAKUQ MUNARINIA HIGARNAITUQLU INAITNI PIQUYAT

Talvani Aktuupa 2018, tamna *Aangajaarnaqtuq Nauhimayuq Piquyat* atuliqtita kingugurutit ihuaqhigiarutit tapkununga Tipaakuq Munarinia Higarnaittuqlu Inaitni Piquyat (TCSFPA). Hivulliqmik, tamna taiguhia taphuma piquyat *Tipaakuq Munarinia Piquyat* ahianguqtuq taphumanga *Tipaakuq Munarinia Higarnaittuqlu Inaitni Piquyat* pturangatitnahaqhugu tamna Piquyat nutaq unniqtuta tamna “higarniq”, taman taty ilaqalirtuq tipaakuq, aangajaarnaqtuq nauhimayuq, tamnalu nainauharniq puyuanik.

Tahapkuat ihuaqhigiarutit pinguititniyai nutat higarnaittut inait – tahapkuat inuit hicalaittut iluani 9 miitat piqutauyumin – ilagiqnulu higarnaittut avataani inait havakviuyuni inungnutlu inait itiqtaqvut talvanga 3-miitat talvunga 9-miitat. Tamna higarnaittuq inait ilalgit tamaita aaniaqtailiniqmun munaqhiaqvut; iliaqvut; ublukkut nutaraqaqvit; hilami ulapqvut; quahaqvut, ulapqityutit maniqamilu ulapqiviit; inungnilu huliniit, tahapkuatut nirivikyuaqtut qungiaqvutlu. Tahapkuat piyauni niruaqtauyut piplugit inait nutaqat inulrammiitlu upaqattaqmagit. Tahapkuat ahianguqnit piyauyut mikhigiaqninut inungnit hatqiumavi puyuinut higaqtut.

Aaniaqtailiniq pigiaqmiyat tamna pityuhiq ihuaqhigiaqnianut tamna Tipaakuq Munarinia Higarnaittuqlu Inaitni Piquyat (TCSFPA) nanminiq atpaqtitlugu 2018. Tahapkuat uuktutit

ihuaqhigiarutit hakugikhivalliqniagai tapkuat Piquyat qaphini piplugit, kihimik tamna anguniqhat uuktut ahianguqninut tahapkuanguyut:

- Pittailihi akituninut hatqiqtitni titiraqutit tipaakunut hanahimayut;
- Pittailini niuvrutauni tamaita tipiliqtuqhimayut tipaakut, ilautitlugit puyiuttut hanahimayut;
- Pipkaqni qaphit Kavamatkut Nunavut (GN) inungnut igluqpait iglugiyauyut higaqnaitnit; tamnalut
- Kikliqaqtitnia niuvrutauni, atuqni, aturahuaqunilu hiluqtuiniq puyuinik hanahimayut nalaguqlugit tapkuat maligait tipaakut hanahimanit.

Niriugiyauyuq tapkuat nunaliuyut piqatauyutlu uqaqaqtiginit pigiaqniat Ukiungani 2020.

TIPAAKUQ MUNARINIA HIGARNAITUQLU INAITNI PIQUYAT (TCSFPA) IHUAQHIGIARUTIT – ILIHARNIQ, ILIHAUTINIT, ATURIAQAQTITNITLU

Talvani Nuvipa 19, 2018, Aaniaqtailiniq tuniuqaqtai ilagiarutit ilihaqtitnit tapkununga Avatiliqutit Aaniaqtailiniq Havaktit (EHonguyut), tapkuat aturiaqaqtitai tapkuat Tipaakuq Munarinia Higarnaittuqlu Inaitni Piquyat (TCSFPA). Tamna Ilihautinit pinahuaqhimayut unniqtuqni tapkuat unniqtuttiaqni nutat higaqnaittut inait ilagiqnulu higaqtunut unghahiknikhai talvunga 9-miitat. Aaniaqtailiniq tunikmiyat ayyikkutapyai ilihautinit tapkununga aaniaqtailiniq inuuhirikniqlu havaktit aaniaqtailiniqlu munaqtit piqaqtitiyit atuqtitlugu 2018/19. Una ilihautiniq ikayuqta atuuqpiariangi tapkuat Avatiliqutit Aaniaqtailiniq Havaktit (EHonguyut), aaniaqtailiniq inuuhirikniqlu havaktit, aaniaqtailiniqlu munaqtit piqaqtitiyit tuhaqhitaini tapkuat nutat piquyat tipaakuqnut niuviqtit tahapkuatlu Nunavummiut tamaitnut. Ayyikkutapyaittauq ilihautinit pipkagauniat hivunikhami piyaqaqat.

Atuqtitlugu 2018/19, Aaniaqtailiniq hatqumiqmiyat tukliriit inuliquutinut tuhaqhitautit takuyakhat talvani Aktuupa 2018 atauttikkuqatigiplugit tapkuat atuliqnikhait aturiaqaqtitni tapkuat *Aangajaarnaqtuq Nauhimayuq Piquyat*. Pigaluaqtitlugit tapkuat takuyakhat tamaitnut piqaqtitni tipakuqtuqluaqtailiniq uqaqtiyinit, tapkuatut akhuqyumini tapkuat Nunavut Taimarniqmun Hivayaqvik (Nunavut QuitLine) uvaluniit uqaqtiyini hugiaqninut kipinnguhukniq, qaphit hatqiqtitnit unniqtuqtai unniqtuttiaqni atuqtaunilu tapkuat nutat higarniqmun maligait. Tahapkuat tuhagakhat hatqiqtauyut tapkunani Aaniaqtailiniqmun *Tipaakuq Inighaittuq Hamani* Facebook makpirani, piqaqhunilu havaguhiq tamaat hatqiqtitni atugakhaliat tikittiqlugu Matyi 2020.

Ilihautiyangi Nunavummiut tapkununga nutat ihuaqhigiqtauyutlu higarniqmun maligait, Aaniaqtailiniq pivaliatitai tuhaumatyutinut parnaut. Talvani Aktuupa 2018, piyaukmat aangajaarnaqtuq nauhimayuq atuinariaqaqtitauliqmat, Aaniaqtailiniq havaqatigiya tapkuat

Timinga Kiinauyaliqiyitkut hatqiriangi nunatagauyuqmun-tamaat inungnut kivgaqtutit tuhaqhitautilit uqaqhugit tapkuat higarniqmun maligait. Aaniaqtailiniq tuniuqaqmiyai turanganiqhat tuhaumatyutit tuhagakhat taiyauyunut ilagit, tahapkuatut munaqhiqaqvit.

Tamna tuklia atuqtakhat tapkununga tuhaumatyutit parnaut ilautitni tuniuqaqnit titiqat, inungnut kivgaqtutit tuhaqhityutit, naalautikkut tuhaqhityutit tamaitnut piqatauyut aktuayayuyut tapkununga nutat maligait – munaqhiqaqvit, ilihaqvit, hamlatkut aapisit, tapkuat Kapanitkut, ahiilu. Tahapkuat tuhaumatyutit ilagiyai nigiyugiyayuyut tiniuqagauni Ukiungani 2020 unniqtuqniagailu nutat maligait uqaqlugitlu atuni piqatauyut havariyaqtaai ikayuriangi aturiaqaqtitni. Tahapkuat tuhaumatyutit ilagiyai piqatiqaqniat nutanguyunik hanatyuhit higarnaitniqmun titiraqutit. Tapkuat titiraqutit hugiaqniaqtaai tipaakuq, aangajaarnaqtuq nauhimayuq, hiluqtainiqlu puyunqnik ilaqaqlutiklu tuhaqhityutinik turangayut tapkununga nutat higarnaitniqmun inait attaqtuivalliqnulu unghikni unnirtuqniqut qulaani.

TIPAakuqNUT ILIHARNIq MALIKHARNIQLU HAVAGUTA

Tamna Tipaakuqnut Iliharniq Malikharniqlu Havaguta (TECP) hanatyuhikhaliaq nakuuhivalliqninut tipaakuqnut niuviqtit malikhaqni tapkununga Tipaakuq Munarinia Higarnaittuqlu Inaitni Piquyat (TCSFPA). Avatiliqutit Aaniaqtailiniq Havaktit (EHonguyut) havakni iliharniq pinahuaqtitnilu huliniit kangiqhittiriaqtunik piqaqnit, tahapkuatut Tipaakuqnut Niuviqtit Hanalrutai (TRTK), aturahuaqtitninut ikayuqtuiplutik malikhaqnit.

Talvani 2018/19, tahapkuat huliniit ikayuqtut hivunmuktitni tapkuat Tipaakuqnut Iliharniq Malikharniqlu Havaguta (TECP):

- Ilagiarutit iliharnit aturahuaqtitnilu:
 - Pititlugit tamaita tipaakunut niuviqtit pitaqtitai iliharniq aturahuaqtitni pulaqnit piyarangata tapkuat Tipaakuqnut Iliharniq Malikharniqlu Havaguta (TECP) pigiaqaqtut 2017-mi, Avatiliqutit Aaniaqtailiniq Havaktit (EHonguyut) atuinaqni piqaqtitni iliharniq aturahuaqtitnilu atuqtitlugu qauyihaqnit. Tapkuat ihuaqutai tahapkuat qauyihainit uingaittut: tapkuat qaphiuni tipaakut niuviqtit tamaitnut malikhattiaqtut tapkununga Tipaakuq Munarinia Higarnaittuqlu Inaitni Piquyat (TCSFPA) malruiqhunguyai amigaitni akungani 2017/18 tamnal 2018/19, talvangaqhutik mikhaani 32% tikitlugu 57%.
- Tipaakuqnut Niuviqtit Hanalrutai (TRTK) tuhaqhit nutanguqtunut titiraqpalliqnulu:
 - Mikiyumik ahianguqnit piyayuyut tapkununga Tipaakuqnut Niuviqtit Hanalrutai (TRTK) piplugit qauyihaiyip uqauhit nutanguqtutlu tuhaqhitni higarnut maligait. Tahapkuat nutanguqtut tuhaqhitni ikayuqniat atuqpiariangi niuviqtit malikhalaqninut tapkuat maligait.
- Aaniaqtailiniqmun tuhagakhat katitiqni qaritauyakkurutit (Hedgehog) ilihaityutit:

- Talvanga nuvipa 19 tikitlugu 24, 2018, tallimat Avatiliqutit Aaniaqtailiniq Havaktit (EHonguyut) talvanittut Iqaluit ilihautigini qanuqtut atuqni Hedgehog titiraqinut tapkuat tipaakut niuviqvit qauyihagait. Naamaktumik titiraqni tapkuat tipaakut qauyihagait ikayuqniaqtaq Avatiliqutit Aaniaqtailiniq Havaktit (EHonguyut) hivullituyaqni hivunikhami qauyihagait.

INIKTIKGUTAUVAKTUNIK

Atuttiaqumik aulatauni aturiaqaqtitnilu tapkuat Tipaakuq Munarinia Higarnaittuqlu Inaitni Piquyat (TCSFPA) tapkuatlu maligait piyaqaqpiartut ilagiyat Aaniaqtailiniqmun havat mikhigaiqni tipaakuq aanirutauni Nunavutmi. Talvani 2018/19, nakuuhivalliqnit aulatyutainut tapkuat Tipaakuq Munarinia Higarnaittuqlu Inaitni Piquyat (TCSFPA) pitaqtauyut atuqhugit tahapkuat pinahuaqnit:

- Ilihautini inungnut ilihagaitlu Aaniaqtailiniq havaktit tapkununga nutat higaqnailamun maligait;
- Pigiaqni angiyumik ihuaqhigaiqni tapkuat Tipaakuq Munarinia Higarnaittuqlu Inaitni Piquyat (TCSFPA).

Tapkuat ihumagiyaayut tapkununga Tipaakuq Munarinia Higarnaittuqlu Inaitni Piquyat (TCSFPA) piyut hapummininut inungnut tipaakut puyuitnit avataini inungnut inaitni havakvitlu pittailinitlu inulrammiit pigiaqni tipaakut atuqnik. Tapkuat Kavamatkut Nunavut huniumaittut atuqpiarahuat hivunmuktitni tapkuat Tipaakuq Munarinia Higarnaittuqlu Inaitni Piquyat-kut (TCSFPA-kut) ihumagiyaunit: mikhigaiqinut tipaakut-turangani aaniaqtailiniq aanirutauni tahapkununga tamaitnit Nunavummiut.